



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

# Philodemi Peri oikonomias qui dicitur libellus

Christian Cornelius  
Jensen

# Philodemi Peri oikonomias qui dicitur libellus



MAY 13 1906

PHILODEMI  
ΠΕΡΙ ΟΙΚΟΝΟΜΙΑΣ  
QUI DICITUR LIBELLUS

---

DISSERTATIO INAUGURALIS  
QUAM  
CONSENSU ET AUCTORITATE  
AMPLISSIMI PHILOSOPHORUM ORDINIS  
IN *Kiel Union*  
ACADEMIA KILONIENSI  
AD SUMMOS IN PHILOSOPHIA HONORES  
RITE CAPESSENDOS

SCRIPSIT

CHRISTIANUS JENSEN  
FRISIUS

---

LIPSIÆ: TYPIS B. G. TEUBNERI MCMVI

885

P29671 O

J 54

2012

Haec dissertatio est praefatio editionis Philodemi *περὶ  
οἰκονομίας* qui dicitur libelli, quae mox in aedibus B. G. Teubneri,  
bibliothecae scriptorum Graecorum et Romanorum pars, prodibit.

No. 35. Rektoratsjahr 1905/6

Zum Druck genehmigt:

Prof. MARTIUS, z. Z. D.

5-14-089.  
SUDHAUS

**SIGOFREDO SUDHAUS**

**PAULO WENDLAND**

**S**





# I.

## De libelli editionibus.

Bibliothecae Herculanensis papyrus numero 1424 insignita, quae inscribitur:

*Φιλοδήμου περὶ κακιῶν καὶ τῶν ἀντικειμένων  
ἀρετῶν καὶ τῶν ἐν οἷς εἰσι καὶ περὶ ᾧ Θ<sup>1</sup>)*

primum edita est anno 1824 Oxonii in Herc. voll. tomo I, pp. 83—105. Tribus vero annis post etiam a Neapolitanis publice proposita est in voll. Herc. coll. pr. parte III, pp. 1—55. Cum autem editio Neapolitana viginti octo columnas praebeat, in apographo Oxoniensi viginti duae tantum perturbato exstant ordine. Sex enim primas Hayterus<sup>2)</sup>, qui papyrum describendam curavit, ea de causa videtur omisisse, quod adeo mutilatae essent, ut eas describere operae

1) In apographo Oxoniensi numerus Θ omittitur. v. W. Scott, fragmenta Herculanensia (Oxford 1885) p. 71. — ex amplis illis voluminibus, quae erant de Vitiis et Virtutibus oppositis, praeter vol. IX servata sunt: *Φιλοδήμου περὶ κακιῶν* I (Herc. voll. Oxon. I (1824) et Coll. Pr. III (1827)) editum a Sauppio (Lips. 1859) et Ussingio (Hauniae 1868) v. Scott, p. 73 — fragmenta exstant voluminis Z, ὃ ἐστὶ περὶ κολακείας (C. A. I. 74—83) v. Spengel, Philol. Suppl. II, p. 497 et 525. accedunt fragmenta incertorum librorum. v. Scott, p. 69. cf. etiam Catalogo generale dei Papiri Ercolanesi redatto dal Dr. Emidio Martini p. 104 in Comparetti e De Petra, La villa Ercolanese dei Pisoni.

2) v. Scott, introduction p. 5.

pretium non putaret. Ceterae autem columnae inter se respondent hunc in modum:

Neap. col. VII—X = Ox. col. IX—XII.

Neap. col. XI—XIV = Ox. col. V—VIII.

Neap. col. XV—XVIII = Ox. col. I—IV.

Neap. col. XIX—XXVIII = Ox. col. XIII—XXII.

Primam autem textus restitutionem atque interpretationem editores Neapolitani (Franciscus Javaronius et Carolus Maria Rosinius) exemplo chalcotypo addiderunt. Qui viri cum lingua Graeca non satis eruditi audacius quam rectius coniecturis lacunas explerent, nisi quod lacunarum spatii et litterarum traditarum diligenter rationem habebant, non multa laudabiliter gesserunt.

Neque igitur mirandum, quod aliquanto dilucidior textus evasit atque concinnior, cum anno 1830 Carolus Goettlingius una cum Aristotelis et Anonymi Oeconomicis in lucem ederet hunc Philodemi librum.<sup>1)</sup> Sed ne hic quidem eam quam debebat opusculo praestitit operam. Nam in supplendis vocibus cum plures plerumque poneret litteras, quam per lacunas liceret, atque etiam in interpretandis sententiis tantum gravissima Neapolitanorum vitia correxisse satis haberet, quae omnino aut corrigendo aut interpretando effecit, non magni sunt pretii: immo permultos ipse novos commisit errores.<sup>2)</sup> Quorum nonnulla emendare

1) *Ἀριστοτέλους οἰκονομικός. Ἀνωνύμου οἰκονομικά. Φιλοδήμου περὶ κακῶν καὶ τῶν ἀντικειμένων ἀρετῶν* Θ coniuncta edidit et adnotationem adiecit Carolus Goettlingius, Jenae 1830.

2) Huius editionis severam censuram egit L. Spengelius in ephemeride cui inscribitur „Münchener gelehrte Anzeigen VIII“, 1838, p. 1003 sq.

studuit G. F. Schoemannus in commentatione, quam inscripsit: *Observationes in Theophrasti oeconomicum et Philodemi lib. IX. de virtutibus et vitiis*. Gryphisw. 1839 (opusc. III, p. 206 sq.) Sed vir doctissimus cum apographorum loco Goettlingii uteretur editione, ut in interpretandis locis quibusdam difficilioribus summi ingenii egregiaeque doctrinae edidit specimen, ita textum plerumque corrigendum reliquit Spengelio, qui eodem anno recensuit Schoemanni commentationem<sup>1)</sup> et pro insigni linguae Graecae peritia nonnullos locos luculenter emendavit.

Denuo anno 1857 totum huius libelli textum una cum Theophrasti characteribus edidit J. A. Hartungius.<sup>2)</sup> Inspicias velim hanc editionem: statim animadvertes intellegendi et emendandi studium sane laudabile, sed eiusdem in lacunis supplendis fere inauditam audaciam atque socordiam. Atque plus etiam eo vir doctus videtur peccavisse, quod non raro vim afferendo litteris traditis textum conabatur reddere perspicuum. Accedit, quod etiam Hartungius apographum O adhibere super-sedit. Quid, quod fugerunt eum, quae Spengelius emendaverat? Ita factum est, ut non raro peiora redderet ea, quae priores correctores praestiterant. Vernaculam autem profecto interpretationem, quam addidit, silentio praeterire praestat.

Tam misera igitur manebat libelli condicio, ut quicumque legeret, passim incideret in sententias aut

---

1) Münchener gelehrte Anzeigen IX, 1839, p. 505 sq.

2) Philodems Abhandlungen über die Haushaltung und über den Hochmut und Theophrasts Haushaltung und Charakterbilder, griechisch und deutsch, mit kritischen und erklärenden Anmerkungen von J. A. Hartung. Leipzig 1857.

lacunis gravibus interceptas aut obscuratas falsis supplementis. Tandem huic miseriae succurrere studuit Henricus Perronius in dissertatione, cui titulum praeposuit: „Textkritische Bemerkungen zu Philodems Oeconomicus. Zürich 1895“. — Nec negaverit quispiam virum praematura morte abreptum pro virili parte de libello meruisse. Quanti enim interesset ad textum restituendum apographon O postquam iam Spengelius paucis illustravit exemplis, Perronius primus omnium utroque apographo accurate comparato in secundo praesertim dissertationis capite, cui inscripsit: „Stellen, die mit Hülfe von O berichtet werden können“, eam quam par est apographo O vindicavit auctoritatem et locos complures primo obtutu recte emendavit. Etiam in altera opusculi parte, cui titulus est: „Stellen, deren Ergänzung sich mit Hülfe der in N gegebenen Buchstaben und Raumverhältnisse unter genauerer Berücksichtigung des Gedankenzusammenhangs berichtigen läßt“, saepius minores lacunas feliciter explevit. Ubi vero maiores hiant lacunae, et in verbis inserendis audacius videtur versatus esse neque intellexisse verum sententiarum contextum neque satis respexisse Philodemi dicendi consuetudinem. Nec non eo peccavit, quod nonnullis locis admisit hiatum, quem dedita opera Philodemum evitasse nunc inter omnes constat.<sup>1)</sup>

Restat iam, ut quomodo ipse in edendo libello priorum editionum rationem habuerim paucis indicem.

---

1) Cf. W. Crönert, Die Überlieferung des index Academicorum in Hermiae tomo XXXVIII, p. 389 — in referendis Xenophontis sententiis Philodemus plerumque hiatus vitandi causa verba diligenter transposuit (cf. col. II).

Nam in apparatu cum brevis quam maxime appendenda esset, virorum doctorum coniecturas ibi tantum commemoravi, ubi aut ad textum restituendum aut ad sensum illustrandum alicuius momenti viderentur esse. E. g. coniecturas propter neglectas veterum librariorum scribendi leges improbandas omnes omisi. Praeterea cum textus scateret editorum erroribus, in disiungendis sententiis plurima corrigenda erant, quae in apparatu raro tantum indicare licebat. Denique quod attinet ad explicandum libri argumentum, variarum sententiarum tam rudis est moles, ut qui fusius eas enarrare velit atque refutare, novum possit conscribere librum. Itaque de paucis locis, qui dubii videri possent, in cap. IV accuratius disserui: cetera vero iam per se plana fore confido.

## II.

### De papyro et apographis.

Papyrus quo anno et a quo viro evoluta sit, in <sup>Papyri historia.</sup> Inventario papyrorum Neapolitano non relatum est.<sup>1)</sup> Hoc tamen pro certo potest affirmari designatam esse papyrum ante fugam regiae Borbonicae (1806—1809), qua *κειμήλια* illa Herculaneisia in Siciliam deportata sunt. Cum enim Hayterus, qui inde ab anno 1802 papyris evolvendis praefuit, anno 1809 in Britanniam reverteretur, etiam huius papyri apographum eum secum tulisse constat.<sup>2)</sup> Nec minus certum est apographum Neapolitanum confectum esse, priusquam

1) v. quoque Martini l. l. p. 134.

2) Exemplum ab Hayteri manu scriptum et emendatum adhuc servatur in Bibliotheca Bodleiana; v. Scott, introduction p. 5.

Hayterus papyrum designandam curaret, cum N plerumque pleniorum textum exhibeat<sup>1)</sup> et desint in O tegmina illa et statumina (*sovrapposti* et *sottoposti*), quae Neapolitani in margine designationis diligenter descripserunt et semper fere recte textui inseruerunt. Ipsa autem fuga papyrum non graviter afflictam esse satis verisimile est. Servatur enim in papyrorum officina etiam altera designatio a Carolo Orazj<sup>2)</sup> facta apographi Oxoniensis non ita dissimilis. Hodie autem papyri margines superiores atque inferiores paulo plus detritae sunt et litterae nonnullae prorsus evanuerunt. Praesertim sex primae columnae iam initio misere foedatae nunc in partibus inferioribus plane derasae sunt.

Papyri  
de-  
scriptio.

Voluminis quantum hodie restat longitudo, si singulas partes coniunctas cogites, est duorum fere metrorum et viginti centesimarum, latitudo viginti centesimarum. Servatur autem divisum in octo tabulas (*cornici*) vitro inclusas, quarum prima continet huius editionis fr. I et II et coll. I, II, secunda fr. A, fr. B<sub>1</sub>, coll. III—VI, fr. B<sub>2</sub>, tertia coll. VII—X, quarta XI—XIV, quinta XV—XVIII, sexta XIX—XXII, septima XXIII—XXVI, octava XXVII, XXVIII et titulum.<sup>3)</sup> Papyri plagulae tam bene conglutinatae sunt<sup>4)</sup>, ut singulas fissuras certe indicare non possim:

1) In ceteris papyris Herculanensibus, quae adhuc in lucem prodierunt, res secus se habere solet. cf. ex gr. Philod. rhet. ed. Sudhaus, I, praef. p. X, Academicorum philosophorum index Herculanensis ed. Mekler, praef. p. V, Polystratus ed. Wilke, praef. p. VI.

2) De hoc vide Croenertum in Hermae tomo XXXVIII, p. 370.

3) In ipsis tabulis fragmenta adhuc inedita numeris non signata sunt.

4) Similiter res se habet in pap. 208 secundum Croenertum: v. Kolotes und Menedemus (Wesselys Studien VI) p. 162.

quas quidem cognoscere mihi viderer, inter se distabant septenis fere centesimis. Ceterorum autem metrorum rationes hae sunt: spatium inter binas fissuras evolutione factas minuitur a centesimis 5 ad 1, 1. In columna nona longum est 3,3 centesimas. Spatia autem litteris repleta altitudine sunt 18, latitudine 5,5—6 centesimarum. Versuum numerus in singulis columnis exaratorum inter 45 et 49 variat, ipsi versus 18—25 litteras continent.

Suo iure Croenertus hoc volumen, quod ab eodem librario atque papyrus numero 1008 (*περὶ κακῶν I*) scriptum est<sup>1)</sup>, papyrorum ordini melioris notae assignavit.<sup>2)</sup> Scriptura librarii nusquam compendiaria est. Litterae numquam inter se coniunctae omni ornamento carent<sup>3)</sup> et tam perspicuo et aequabili caractere exaratae sunt, ut quasi typis expressae videantur.<sup>4)</sup> Scriptura.

De orthographia pauca tantum dicenda sunt, cum libellus a gravioribus vitiis immunis sit. Librarius probe et diligenter archetypi formas tradidisse videtur. E. g. ubi suam consuetudinem secutus pro *ι* longa *ει* scripserat, postea *ε* puncto supraposito delevit (v. *πολετικὴν VIII, 3, τεχνεῖται XVII, 31* cf. *τεχνίτης XVII, 2*).<sup>5)</sup> Exceptum est solum *καχομειλίαν IV, 8*, sed huius vocis in N integre servatae cum hodie Orthographia.

1) v. Croenert, *Memoria Graeca Herculanensis*, p. 11.

2) v. Croenert, l. c. p. 8.

3) cf. tabulas in fine libelli additas.

4) Neque igitur magnopere mirandum, quod in Museo Nazionale femina quaedam spectandi studiosa cum ad tergum meum adstitisset et aliquamdiu attente papyrum inspexisset, plena admiratione subito exclamavit: „Ergo etiam typis usi sunt ista aetate!“

5) Non recte Croenert, l. l. p. 27: *πολετικὴν, τεχνεῖται*.

tantum restent litterae  $\alpha\alpha\chi\omicron$ ..... $\nu$ , etiam hic  $\epsilon$  deletum fuisse verisimillimum est. Ceteras autem scribendi proprietates hic enumerare supersedeo, cum in verborum indice omnia diligenter enotaverim. De iis autem, quae in indicem referri non poterant, ut de syllabis in fine versuum disiungendis, de iota muto adscripto aut omisso ceterisque huiusmodi quaestionibus ad Croenerti librum, cui inscribitur „Memoria Graeca Herculanensis“, ubi eorum qui Volumina Herculanensia scripserunt consuetudines diligentissime compositae sunt, te delegatum esse volo.

Inter-  
punctio.

Ut mos est huius aetatis, librarius interpunctionem paragrapho subter lineam in sinistra columnae parte posito indicavit. Contra spatium numquam fere vacuum reliquit, nisi quod saepius sub finem enuntiati supra lineam punctum adiecit, quod in editione stellularia (\*) significavi. Paragraphi autem  $\delta\iota\pi\lambda\eta\varsigma$  similis tria exstant exempla: XVIII, 7, XXI, 35, XXIV, 19. Praeterea sub finem et recensitionis (XII, 2) et totius libelli in sinistro margine coronidem appinxit. Denique commemorandum est ad sinistram nonnullorum versuum (fr. 2, col. V, 5, col. XIII, 7) notam huius formae  $\neg$  adscriptam esse<sup>1)</sup>, qua quid significatum sit, adhuc mihi non certe constat.

Corrigendi  
genera.

Librarius si unam litteram perperam scripsit, emendationem supra lineam adiecit, nisi quod col. VII, 3 A in  $\epsilon$  et col. XV, 9  $\kappa$  in  $\chi$  correxit.<sup>2)</sup> Complures

1) Etiam in Philodemi  $\pi\epsilon\sigma\lambda\ \delta\epsilon\gamma\eta\varsigma$  libro eiusmodi lineolas inveniri mecum communicavit Carolus Wilke amicus. punctum in sinistro margine additum in pap. 1032 commemorat Croenert, Kolotes und Menedemus, p. 169<sup>32</sup>.

2) Croenert  $\omicron\upsilon\chi\ \sigma\upsilon\gamma\epsilon\theta\eta\sigma\omicron\mu\acute{\epsilon}\nu\omega\nu$  se legisse confirmat M. H. p. 146. Sed cum aperte scriptum sit:  $\chi$ , equidem non possum assentiri viro harum rerum peritissimo, praesertim cum nullum aliud huius piloseos exemplum in V. H. exstare ipse testetur.



autem litteras falso scriptas puncto supraposito delevit. Memorabilis exstat locus in col. XI, 32, ubi postquam scripsit: *πρότερον τῶν οἰκετῶν ἐγγεσθαι, καθεύδειν* δ' ὕστερον, secundum Theophrasti textum ante *καθεύδειν* supra lineam addidit *καί*, littera δ, ut mihi quidem videbatur, non expuncta.

Denique de fide apographorum ut pauca addam, <sup>Apo-</sup>  
grapha. N eo tempore confectum esse, quo papyrus integrior esset, iam supra p. 9 sq. commemoravi. Delineator autem sane quam sollerter et diligenter munere suo functus est. Etiam tegimina illa atque statumina, quae in margine paginarum designavit, excepto uno tantum fragmento (col. XII v. 36—39) recte inseruit. Neque tamen fieri poterat, ut praesertim in laciniis misere contritis et derasis omnia litterarum vestigia recte dignosceret. Itaque quae paulo audacius viderentur scripta esse, ipsi viri docti Neapolitani aere incidi vetuerunt. Verum semel etiam illud accidit, quod in rhetoricorum voluminum fragmentis Sudhausius compluribus exemplis probavit<sup>1)</sup>, ut corrector emendandi studio abreptus quae sensu postulari viderentur interpolare non vereretur. Nam col. IX, 32, 33 cum O praebat: MEN|.....N et hodie in papyro legatur MEN|I....N, corrector Neapolitanus secundum fragmentum in margine designatum, quod litteras AITEI  
ACC continet, MEN|TATTEIN reposuit, quod hodie in editione Neapolitana legitur, cum supplendum sit: MEN|TOITHN.

At mihi cum designationes perlustrarem, saepius contigit, ut ea, quae coniectando antea assecutus eram,

---

1) Philodemi volumina rhetorica ed. Sudhaus II, praef. p. IV sq.

probarentur litterarum vestigiis ibi denotatis, omissis in ipsa editione. Itaque ex maioribus fragmentis in margine designatis quae aliquid novi viderentur prae-  
bere, ea in tabula libello adiecta depinxi, ceteris autem locis quaecumque plura inveni, in apparatu adnotavi. —

Contra apogr. O ab homine linguae Graecae inscio confectum neque correctum esse a viris doctis demon-  
strant litterae falsae legenti hic atque illic obviae. Locis autem difficilioribus dignoscendis delineator non tanta diligentia studuit quanta collega Neapolitanus. Nec raro ubi maiores hiant lacunae, perditarum litte-  
rarum spatium in N accuratius indicatum est quam in O. Ecce duo exempla, quibus apte illustrari cre-  
diderim hanc apographorum discrepantiam:

(cf. tab. I.)

N. X. 28 sq.

O. XII. 28 sq.

A . . . NOMICΘ . HKAI . N<sup>7</sup> . .

. . . . NOMICΕ . H . KA . . N . .

T . . . . PAΔ . . . ΕΙΝΑΙΤ . YCY .

. . . . . PAΔ . . . CΙΝΑΙΤ . . . . .

HΘΩ . . IKO . . . . . O 30

. . . . . IKO . . . . .

PEYCMEN . YTT . . . . . PHM . . .

. . . . . ΛENO . . . . .

. . . . . ΞΚ . ΞΤΙ . . . . ΑΙΤΟΦ .

. . . . . ΞΚ . . . . .

Λ . . . . . ΑΙ . . . . . ΛΗΤΙΚ . .

. . . . .

KAIT . . . . . ΙΤΑΡ .

KAIT . . . . .

ΠΟΛΛ . . NOOY . . . . KATAΔ . . 35

ΠΟΛΑ . . . . .

ΟΤΑΠ . . TATE . . . . ΟΛΑ . . IN

ΟΤΑΠ . . . . .

ΑΥΤΟΛ . . ΘΩC . . . . EXONT . C

ΑΥΤΟΛ . . . . . PXONTO .

. . . . . ΛENOYΔΕΚΑΤΑΘΗΝ

. . . . . ΔΕΚΑΤΑΘΗ .

N. XIV. 22 sq.

O. VIII. 22 sq.

ΛΙΓΩΝΖΩΗCΟΠΟΛΛΟΥΔΕΙ-	Λ.ΓΩΗ . . . . . ΛΛΟΥΔΕΙ
CE . . . . ICTANΕ . . . . ΩΓΑΡΜΗ	. . . . . ΑΡΜΙ
Δ . . . . . ΠΑ. ΑΠΟΛΛΥΜΕ	. . . . . ΑΠΟΛΛΥΜΕ
N . . ΜΗΔΕΔΙΑΤΗΝΑΚΡΑΤΟΝ	25 . . ΝΕΙΜ <sup>1)</sup> . . . . . ΙΝΑΚΡ. ΤΟΝ
C . . ΔΗΝΠΕΡΙΤΟΠΛΕΟΝΚΑΙ	. . . . . Ο. ΛΕΟ . . . .
ΤΟ . . . . ΟΝΥΦΑΥ. CΥΖΗΤΕΙ	. . . . . ΑΥ. . ΙΖΗΤΕ.
. . . . . ΝΕΡ. . ΙCΘΑΙΤΟΥΤ . .	. . . . . ΤΟΥ . . . .
. . . . ΩCΟΙΚΟ . . ΜΕ. CΘΑΙΝΟ	. . . . C . . . . CΘΑΙΝΟ
MIZΩΤΟΝΠΛΟΥ. JNC. ΑΡΚΑΤΑ	30 MIZ. ΤΟΝ . . . . ΙΝ. . ΑΡΚΑΤΑ

Attamen magnopere erraverunt libelli editores, cum apographum O omnino neglegendum esse ducerent. Neque enim desunt loci, quibus O unam vel complures litteras praebeat, quae desiderantur in N. Et hae ipsae litterae quanti momenti sint ad investigandam veram lectionem, quicumque haec studia attigerit non ignorabit. Quae cum ita sint, in comparanda editione praecipue N secutus quae O exhibet aut plura aut discrepantia ibi tantum commemoravi, ubi ad textum restituendum aliquid viderentur valere. Contra quae nova in ipsa papyro legi, omnia semper in apparatu notavi. —

1) Litterae ΝΕΙΜ, quae emergunt in magna illa lacuna quam praebet O, suprapositae sunt atque etiam hodie in papyro servantur. Editores autem Neapolitani cum fragmentum, quod in col. XIII suprapositum erat, hoc loco insererent, litteras ΝΕΙΜ describere omiserunt.

### III.

#### De voluminis ambitu et dispositione.

##### De ordine fragmentorum.

De  
ambitu  
volu-  
minis.  
(Sticho-  
metria.)

Volumen trunco est capite. Quantum autem reliquum sit a iusto voluminis ambitu si quaerimus, summi momenti est stichometriae exemplum adhuc quod sciam in voluminibus Herculanensibus prorsus singulare<sup>1)</sup>, cuius vestigia in sinistro nonnullarum paginarum margine etiam hodie in papyro emergunt.<sup>2)</sup> Quae inveni, haec sunt:

π ('*sovrapposto*') legitur col. IV, 38, olim exstabat in margine col. VI, 38.

Υ legitur in margine col. X, 23.<sup>3)</sup>

Χ legitur in margine col. XVIII, 16.

Υ legitur in margine col. XXII, 2.

ω legitur in margine col. XXV, 42.

Singulae autem litterae secundum ordinem alphabeti margini adscriptae centenorum fere octogenorum versuum<sup>4)</sup> (i. e. quaternarum fere paginarum) spatio inter se distant.

1) Cf. tamen W. Croenert (Wochenschrift für klassische Philologie, Berlin 1906, Nr. 23, col. 595), qui stichometriam ducenorum versuum in papyro quadam Herculanensi inveniri confirmat. Stichometriam punctis indicatam commemorat Croenert, Archiv für Papyrusforschung II, p. 359<sup>2)</sup>. De litteris ad capita indicanda in margine sinistro scriptis v. Croenert, Kolotes und Menedemus, p. 50.

2) In apographis tantum littera ψ descripta est. Littera ω hodie in papyro deleta legitur tantum in dis. 1.

3) Littera φ, quam in margine col. XIV olim exstitisse necesse est, hodie deleta est.

4) ψ — ω = 181 versus.

χ — ψ = 176 versus.

υ — φ — ψ = 362 versus.

Iam cum librarium a littera A numerandi initium cepisse consentaneum sit et littera  $\omega$  in col. XXV fine legatur, totius voluminis ambitum nonaginta fere et octo columnarum<sup>1)</sup>, i. e. 4500 fere versuum fuisse efficitur.

Sed plura hinc possumus elicere. Nam cum in emetiendo voluminum ambitu heroici versus mensura triginta sex fere litteras continentis veteres usos esse constet<sup>2)</sup>, huius autem voluminis versus vicos singulos tantum litteras complectantur, his centum octoginta versibus respondere centum versus epicos facile suspicaris.<sup>3)</sup> Et rem ita se habere apparet ex conspectu quem infra addidi.<sup>4)</sup> Manibus igitur tenemus paulo tantum plus quam quartam partem apographi ex archetypo descripti, qui duo fere milia et quingentos versus amplectebatur.<sup>5)</sup>

1) Cf. Croenert in *Hermæ* tom. XXVIII, p. 402: Die Rollen, soweit sich vorläufig ihr genauer Umfang feststellen läßt, sind niemals unter 100 Kolumnen stark.

2) Cf. Birt, *das antike Buchwesen*, cap. IV.

3) *Exempla huius centenorum versuum epicorum stichometriae ex codicibus satis nota sunt.* Cf. e. g. Martin Schanz *Hermæ* t. XVI, p. 309 sq., H. Diels, *Hermæ* t. XVII, p. 377 sq., W. Christ, *Abh. d. I. Cl. d. K. Ak. d. Wiss.* XVI. Bd. III. Abt., Fuhr, *Mus. Rhen.* t. XXXVII, p. 468 sq., Burger, *Hermæ* t. XXVI, p. 463 sq. — Etiam in papyro Aegyptiaca primi a. Chr. n. saeculi similis stichometriae vestigium invenitur. v. Blass, *Archiv f. Papyrusf.* 1906, p. 480. — Sed de hac re propediem accuratius me agere posse spero. —

4)  $\psi - \omega = 3797$  litterae =  $100 \times 37,97$ .

$\chi - \psi = 3664$  litterae =  $100 \times 36,64$  litterae = 1540 syllabae.

$\nu - \varphi - \chi = 7618$  litterae =  $200 \times 38,09$ .

5) Papyrus versuum numero iam in margine textus adnotato etsi subscriptione caret, tamen hoc ipso exemplo demonstrari videtur, id quod iam Birtius l. l. p. 189 et 213 suspicatus est, subscriptionibus in VH. sub titulo additis indi-

De  
dispo-  
sitione  
argu-  
menti

Columnae autem perditae quid continuerint priusquam inquiramus, eas quae ad nos pervenerunt accuratius examinemus necesse est. Servantur igitur in apographo N viginti octo columnae, quarum sex primae foede dilaceratae atque decurtatae non admittunt integram textus restitutionem, reliquae vero ita possunt suppleri, ut exceptis paucis versibus plenus textus decurrat usque ad finem. Accedunt quattuor fragmenta non iam publicata, de quibus infra p. 21 et 23 accuratius exponam.

Totum autem argumentum in singulas columnas sic dispositum est, ut agant:

- I. col. I — col. VII, 37: de Xenophontis oeconomico.
- II. col. VII, 37 — col. XII, 2: de Theophrasti oeconomico.
- III. col. XII, 2 — col. XXVIII, 10: de propriis scholae praeceptis.

At erraverunt libelli editores, qui primas septem columnas eo quo in tabulis exstant et a Neapolitanis descripta sunt ordine re vera in papyro exstitisse rati operam collocarent in explicando horum fragmentorum contextu. Atque ne Perronius quidem etsi alium statuit esse fragmentorum ordinem<sup>1)</sup>, tamen cum editores secutus prorsus neglegeret eas columnarum partes, in quibus rara tantum atque dispersa emergunt ver-

---

catos esse versuum archetyporum numeros, non ipsorum exemplarium. contrariam sententiam argumentis non additis protulit Croenert in *Hermæ* tomo XXXVIII, p. 357<sup>I</sup>.

- 1) l. l. p. 37: Die natürliche Reihenfolge ist also:  
col. I Xen. I, 2, Kritik der Definition.  
col. IV Xen. I, 18—23, Vorbedingungen.  
col. V Xen. II, 2, 3, Notwendigkeit der Ökonomie.  
col. II Xen. III, 10—15. Bedeutung der Frau.  
col. III Bedeutung der Frau und Vorgreifen auf Ischomachus.  
col. VI Rückkehr zu Xen. III, 15.

borum frustula, verum poterat invenire. Attamen haec ipsa frustula haud exigui sunt pretii. Neque enim parvi faciendum credo quod in columnae tertiae fine ex paucis verborum ruinis elici poterant 18 versus verbotenus fere translati ex Xen. oec. III, 4 et 5. Atque etiam in ceteris columnis etsi verborum contextus non potest restitui, quos tamen auctor spectaverit Xenophontis locos, ex certis cognoscitur verborum vestigiis. Quae ubi diligenter perscrutatus eris, concludas necesse est eorum, quae de Xenophontis oeconomico disputata erant, exiguam tantum ad nos pervenisse partem. Accuratissime enim singula Xenophontis praecepta suo more Philodemum pertractasse complures demonstrant loci ex oeconomico verbotenus fere repetiti (cf. col. II, 22 sq., col. III, 32 sq., col. IV, 5 sq.). Qua in re ipsum Xenophontis disputandi ordinem eum secutum esse probatur cum disceptandi ratione in aliis scriptis usurpata<sup>1)</sup> tum recensione libelli Theophrastei, quae inde a col. VII integra nobis servata est. Iam inspicias quaeso singulorum fragmentorum argumenta. Recensentur igitur:

- col. I oec. I, 2—4.
- col. II oec. III, 10—15.
- col. IIIa oec. I, 14 (?).
- col. IIIb oec. III, 4—6.
- col. IV oec. I, 16—II, 4.
- col. V oec. II, 1—4, tangitur oec. VII.
- col. VI tangitur cap. VII, redit ad oec. II.
- col. VII oec. XII, 3 sq.

---

1) Cf. Phil. Rhet. I, p. 245, 14 sq.; II 209, 30 sq., suppl. p. 39, 5 sq.

His obiter tantum perlustratis statim elucet columnas in editione Neapolitana falso ordine propositas et col. IIIb et col. II inserendas esse post col. VI. Sed ultra progredi licet. Neque enim mediocriter miramur inferiorem columnae tertiae partem (IIIb) spectare ad oec. III, 4—5, cum superior versetur in recensendo cap. I. Iam si consuluerimus ipsam papyrum, illa versuum initia in N designata, ex quibus col. IIIb restituimus, hodie deesse videmus. Itaque similiter atque in Academicorum indice<sup>1)</sup> etiam in hac papyro accidit, ut columnae alicuius pars superior cum alterius inferiore conglutinetur.

Accedunt alia. Col. XXV, 31 Philodemus supra se profitetur demonstrasse quam sit absurdum aequas portiones distribuere in singulos menses vel etiam in totum annum. Respicit sine dubio ea, quae animadverterat in Xen. oec. IX, 8: *χωρὶς δὲ καὶ τὰ κατὰ μῆνα δαπανώμενα ἀφείλομεν, δίχα δὲ καὶ τὰ εἰς ἐνιαυτὸν ἀπολελογισμένα κατέθεμεν* (cf. oec. VII, 36). Sed frustra quaesiveris Philodemi iudicium in iis quae servatae sunt columnis. — Col. X, 18 sq. haec leguntur: *τὸ δ' ἐξομηρεύειν ταῖς τεκνοποι[ί]α[ις] εἰρηκέναι κοινῶς χεῖρο[ν] εἶναι δοκεῖ τοῦ παρὰ Ξενο[φῶ]ντι [κελεύειν] τρέφειν [ἐ]κ τῶν ἀγαθῶ[ν], οὐκ ἐκ τῶν πονηρῶν κελεύοντι.*

Quae cum pertineant ad Xen. oec. IX, 5 (v. ann. ad versum), Gadarenus etiam hunc oeconomici locum in perdita libelli parte si non recensuisse, at tamen tetigisse videtur. —

---

1) Cf. Mekleri edit. praef. p. XXVI.



Denique duas primas papyri tabulas in Museo Neapolitano adservatas si inspexerimus, haec invenimus:

De  
novis  
frag-  
mentis.  
(fr. I  
et II.)

Tabula I.

Quattuor frustula non cohaerentia:

I	II	III	IV
fr. I ined.	versuum fines fr. I	versuum col. I initia fr. II ined.	col. II

Praeterea in sinistro columnae primae margine exstant antecedentis alicuius columnae versuum fines, quos, cum exigui pretii videantur esse, infra describam.<sup>1)</sup>

Tabula II.<sup>2)</sup>

Tria frustula non cohaerentia:

I	II	III
fr. A ined. + fr. B <sub>1</sub>	col. III—VI	fr. B <sub>2</sub> ined.

Accedunt igitur quattuor fragmenta adhuc non publicata, quorum quae primo et secundo loco numerantur (fr. I, II) cum pertineant ad Xen. oec. I, 4—8, post col. I inserenda esse apparet. — Contra quae in tab. II servantur fragmenta a ceteris prorsus seiungenda sunt. Sed de his postea. —

Iam quae ex his lucrati sumus si paucis comprehendimus, haec pro certo licet affirmare:

1) Initio tres fere versus desunt. sequuntur —Ε | ΙCΘΑΙ |  
 ΟΝΟΥ | ΠΑΡΑ | ΒΟΝΟΥ | ΑΗΤΙΚΟΥ | CΙΜΕΝΟΝ | 'ΔCΙΛΗΝ |  
 CΧΕΔΟΝ | CΜΕΘΗ | ΝΕCΤΙΝ | ΑΡΑ | ΟΙΑΥ | ΒΟCΕΙC | ΑΥΤΕ |  
 ΙΟΙΚΟ | ΒΟΥΝΥΝ | ΑΧΙΗ | ΦΩ | ΤΑ cetera frustula omitto.

2) v. tab. II in fine libelli additam.

I. in evolvenda papyro exceptis paucis fragmentis (fr. I, II, col. I—VI) tota quae pertinebat ad Xenophontis oeconomicum disputatio periit.

II. quae remanserunt fragmenta in tabulis falso ordine proposita et semel temere conglutinata sunt.

De  
perditis  
colum-  
nis.

Omnino autem ex recensione libelli Xenophontis quot desiderentur paginae suspicari tantum licet. Tria enim prima oeconomici capita cum accuratissime videatur percensuisse, de cap. IV—VI, quae maximam partem versantur in laudanda agricultura et enarrandis Cyri minoris studiis rerum rusticarum, pauca tantum delibavisse putandus est. Nam in perstringendo libello postquam pervenit ad cap. XIV, cetera silentio transit septem capita, cum satis habeat dicere:

(VII, 26 sq.): ἀλλὰ γὰρ [ο]ὕδ' ἐν ἔτι δεῖ προσδια-  
τρίβειν [τ]οῖς Ξεν[ο]φώντος οἰκονο[μ]ικοῖς, τῶν ἐφεξῆς  
γεωργι[κ]ήν τέχνην περιεχόντων, [ἣν] ἀπ' ἰδίας ἐμπει-  
ρίας, οὐκ ἀπὸ [φι]λοσ[ο]φίας γίνεσθαι συμβαλ[υ]νι.  
προ[ο]σ[ε]τί δ' οὐτ' ἀναγ[κ]αία γινώσκ[ε]σθαι τοῖς  
φιλοσόφοις [πέφυκεν] οὐτ' οἰκεία τὰ κατ' αὐ[τ]ήν  
ἔργα] συντελεῖσθαι δι' αὐ[τῶν]. —

Maxima autem lacuna post col. VI statuenda est, quae quot complectatur paginas potest indagari. Nam in margine col. VI, 38 cum olim scriptum esset π̄ et littera γ adscripta sit col. X, 23, inter has duas litteras quindecim apparet intercedere paginas. Iam cum col. VII, VIII, IX servatae sint, inter col. VI et col. VII duodecim paginae olim exstabant, quarum duo tantum fragmenta (col. IIIb et col. II) ad nos pervenerunt.

Restat, ut fragmentorum ordo qualis videatur fuisse brevi illustretur conspectu:

Perditum est recensioinis initium.

Col. I. Xen. oec. I, 2—4.

Fr. I. Xen. oec. I, 4.

Fr. II. Xen. oec. I, 8.

Col. IIIa. Xen. oec. I, 14.

Col. IV. Xen. oec. I, 16—23; II, 1—4.

Col. V. Xen. oec. II, 1—4 (tangitur oec. VII).

Col. VI. (tangitur oec. VII) redit ad oec. II.

Col. IIIb. Xen. oec. III, 4—6.

(una tantum videtur desiderari columna)

Col. II. Xen. oec. III, 10—15. transit ad cap. IV.

(desunt octo vel novem paginae).

Col. VII. Xen. oec. XII, 5—XIV.

Tota igitur recensio viginti fere paginas complebat. Cum autem totum volumen 98 fere paginas complecteretur (v. p. 17), hanc recensioinem antecessisse necesse est sexaginta fere paginas in evolvenda papyro perditas.

Quae quid continuerint<sup>1)</sup>, necopinato indicatur duobus illis fragmentis ineditis, quae in tab. II alterum in sinistro margine, alterum in dextro servata sunt. Quorum fr. III in parte superiore tegimine obiectum duarum columnarum latera, alterius sinistrum (col. A), alterius dextrum (fr. B<sub>2</sub>) exhibet. Fr. IV autem cum eidem columnae tribuendum sit atque fr. B<sub>2</sub>, in editione littera B<sub>1</sub> signatum est.

De  
perdita  
parte  
volu-  
minis.  
(col. A  
et  
col. B.)

1) Ex viris doctis, qui textum tractaverunt, solus Spengelius (Comm. Ac. Mon. 1838, p. 1008) non exiguum partem libelli deletam esse suspicatus est. Sed erravit, cum haec addidit: „Was aber unserm Epicureer Zweck und Bedeutung der Oeconomie war, hatte er in den früheren, nicht erhaltenen Columnen auseinander gesetzt“, cum inde a col. XII de his quaestionibus accuratius disputetur.

Utinam plura nobis servata essent ex hoc genere fragmenta! Nam quamvis mutila sint, tamen ita possunt suppleri, ut fere verbo tenus referant libelli Theophrastei sententias illas, quas Philodemus recensuit col. X, 28 sq. et col. XI, 30 sq. Cum autem in Col. A media tantum versuum pars servata sit, omnes lacunas accurate emetiri non possumus. Tamen plus quam semel librorum nostrorum memoriam corrigi si apparatus inspexeris facile cognosces. Neque vero desunt loci, quibus Philodemi textus a nostro magnopere videatur abhorruisse (col. A, 2—5 et 19—21). Verum tamen Philodemi codicem omnibus, qui tempus tulerint, praestantiorē fuisse iam nemo negabit.<sup>1)</sup>

Praeterea autem haec duo fragmenta testimonio sunt perditam libelli partem complexam esse totum Theophrasti oeconomicum. Sed ex sexaginta paginis perditis hic Theophrasti libellus octo tantum fere paginas complebat. Iam si reputaverimus adversariorum duo tantum Philodemum recensuisse scripta, Xenophontis primum, alterum Theophrasti<sup>2)</sup>, auctorem etiam ex Xenophontis oeconomico illa capita, quae in altera voluminis parte ad trutinam vocavit, initio libelli proposuisse manifestum esse crediderim. Continebant autem 45—50 paginas. —

Totum igitur de oeconomia tractatum in tres partes Philodemus distribuit, quarum

1) Quod recte iam perspexit Susemihlius, Aristotelis quae feruntur oeconomica, Lips. 1887, praef. p. XXVI.

2) In col. VII, 37 sq. absoluta Xenophontis libelli recensione auctor pergit his verbis: Ἀλλ' οὐδὲν, διότι καὶ πρὸς τὰ πλεῖστα τῶν Θεοφράστου [διειλέ]γμεθα ταῖς δυνάμε[σιν] ἐκείθεν κεφαλαι[ω]μέ[να, μ]ᾶλλον δὲ καὶ τὰ τῶν ἑλλ[λ]ων et col. XXVII, 18 sq.: εἰ δὲ τίνα καὶ τῶν παρὰ Ξεν[ο]φῶντι καὶ Θεοφράστῳ συν[ε]χ[ω]ροῦμεν οὐκ ἀδόκιμα κ[αί] φιλοσόφου κτλ.

prima proponeret adversariorum, quos dicit τοὺς σατραπικωτέρους τῶν φιλοσόφων (col. XXVII, 31), sententias, refelleret secunda, tertia denique praecipue Metrodori vestigia secutus (v. p. 33) propria ederet scholae praecepta.

#### IV.

##### De adversariis a Philodemo impugnatis.<sup>1)</sup>

In oec. I, 2 sq. Xenophon inducit Critobulum col. I. dicentem illum vulgo bonum putari oeconomicum, qui possit εὖ οἰκεῖν τὸν ἰδίον οἶκον. Quae definitio amplificatur iis quae sequuntur: Ἡ καὶ τὸν ἄλλον δὲ οἶκον, ἔφη ὁ Σωκράτης, εἰ ἐπιτρέποι τις αὐτῷ, οὐκ ἂν δύναιτο, εἰ βούλοιτο, εὖ οἰκεῖν, ὥσπερ καὶ τὸν ἑαυτοῦ; . . . ἔμοιγε δοκεῖ, ὦ Σώκρατες. — Iam audiamus Philodemi censuram, quae, cum in ipso textu constituendo verum fugeret omnes<sup>2)</sup> qui operam ei navarent viros doctos, non poterat evenire, ut recte explicaretur. Haeret igitur ille in voce εὖ, quae cum multifariam possit explicari, fuisse censet Xenophontis, si quidem a vulgata definitione exordium sumpturus esset, ita eam intellegere, ut vulgo soleret intellegi. „Quodsi“,

---

1) Fr. Javaronium in commentario plurima falso interpretatum esse nemo mirabitur. — Nuper libelli argumentum adumbravit Maximilianus Hodermannus in dissertatione, cui inscripsit: Quaestionum oeconomicarum specimen. Berolini 1898. Qui cum persuasum sibi habeat „locis difficilioribus et explicandis et illustrandis“ Goettlingium, Schoemannum, Spengelium ita operam navasse, „ut quantum quidem fieri possit, textus egregie videatur restauratus esse,“ in enarrando argumento praesertim Javaronii commentarium secutus ipse non poterat facere, quin multos errores committeret.

2) Italos, Goettlingium, Spengelium, Hartungium, Perronium, qui hanc unam sententiam alius aliter constituerunt.

inquit, „illud »εὖ οἰκεῖν τὸν ἰδίον οἶκον καὶ ποιεῖν οἰκεῖσθαι τὸν ἀλλότριον« Xenophon ita volebat intellegi, ut boni esset oeconomici (v. 11) τὸ πορίζειν πολλὰ χρήματα καὶ φυλάττειν, πῶς διαμενεῖ τὰ πορισθέντα καὶ προϋπάρχοντα, et si haec ipsa notio verbis illis aut tum subiungi solebat aut solet nostra aetate, hoc iam facile condonabimus. At si intellegebat τὸ μεγάλωσθι συμφέρον καὶ μακαρίως, nemo sane probaverit. —

Sequuntur fragmenta trium paginarum (fr. I, fr. II, col. IIIa), quorum versus nimis mutilati sunt, quam ut sententiarum conexus possit restitui. Hoc tamen ex verborum vestigiis certe possumus cognoscere, disseruisse Philodemum de Xen. oec. I, 4—15, ubi auctor docet illum bene administrare domum, qui omnibus rebus et bonis et malis ita sciat uti, ut suo ipsius inserviant commodo.

col. IV. Tum transit ad examinanda ea, quae de vitiis a recte dispensandis rebus domesticis homines multos retinentibus exposita invenit in oec. I, 16 sq. Paucis autem his absolutis — nihil enim videtur reprehendere nisi id, quod praeter dicendi consuetudinem Xenophon eos, qui vitiis laborent, servos velit esse dominorum pessimorum et gravissimorum, ignaviae, negligentiae, luxuriae cet.<sup>1)</sup> — statim eum perrexisse ad recensendum secundum oeconomici caput demonstrant exiguae inferioris columnae reliquiae. Et rursus offendit in Xenophontis dicendi usu. „Qui enim“ ait „fieri potest, ut Socrates, qui quinque tantum minas possideat, se ipsum divitem esse profiteatur, Critobulum vero hominem magnis florentem opibus, appellet pauperem atque adeo miserandum et mendicum! Immo sic iudicare hominis est,

---

1) Cf. quae ipse docet de cupiditatibus finiendis col. XXIII, 36 sq.

qui falsam secutus opinionem quae singulis rebus subsit notio animo praecipere supersedeat. Iam etsi proprium fuit Socratis, quales verae essent hominum conditiones non reputare, insanit tamen, cum satis sibi dicat esse quinque minas ad satianda naturae desideria atque inanem esse bonorum abundantiam. At vero hanc non fuisse eius mentem dilucide apparet ex iis, quae in sequentibus<sup>1)</sup> Socrates ipse concedit Ischomacho, homini non solum peritissimo administrandae rei domesticae, sed eidem probo atque honesto.“ Quae sequuntur adeo discerpta sunt, ut, qualis fuerit Philodemi sententia et quem Xenophontis locum ante oculus habuerit, nos ignorare fateri cogamur.<sup>2)</sup> Tamen cum testis citetur Ischomachus, col. VI. arte cum his coniungas quae leguntur columnae sextae initio: . . . *την ὥς οὐκ ἄξιον ἀνδρὸς σὼφρονος, [οἷο]ς Ἰ[σχό]μαχος ἦν, ὃν θρο[α]συν[νό]μενος οὐ μόνον οἰκονομικὸν ἀλλὰ καὶ καλὸν κἀγαθὸ[ν] Ξενοφῶν εἰσήγεν καὶ Σωκράτους ἀμφοτέρω[ς] διδάσ[κα]λον.* Iam redit eo, unde digressus erat (oec. II). Disserit autem de iis, quae Socrates ipse de domo bene administranda una tantum schola Critobulum conetur edocere. Quale vero fuerit eius iudicium, in dubio relinquendum est.

In omnia autem quae a Socrate in sequentibus quasi indicantur oeconomiae praecepta diligenter eum inquisivisse documento exstant verba illa, quae in

1) Inde a cap. VII.

2) Javaronius confert quae dicit Socrates in cap. XI, 9 sq.: *Μέλει γὰρ δὴ σοι, ὦ Ἰσχόμαχε, ὅπως πλουτήης καὶ πολλὰ χρηματὰ ἔχων πολλὰ ἔχῃς πράγματα τούτων ἐπιμελόμενος; καὶ πάνν γ', ἔφη ὁ Ἰσχόμαχος, μέλει μοι τούτων ὧν ἐρωτᾷς κ. τ. λ.* sed v. ann. ad col. V, 25.

columnae tertiae fine restitui potuerunt ex paucis litterarum vestigiis.

col.  
III b.

Verbo tenus enim expressa sunt ea, quibus Socrates (oec. III, 4—6) demonstraturum se esse pollicetur aliorum servos, qui quasi vinculis constricti teneantur, saepissime aufugere, aliorum, qui libera utantur conditione, libenter manere et mandata exsequi sedulo, rursus alios ex agricultura divitias sibi congerere, alios in extremam incidere egestatem. Huic quae confinis olim fuit columna argumentum videtur sumpsisse ex sequentibus quinque capituli terti paragraphis (c. III, 6—10).

col. II.

Sequitur deinceps columna II, qua recensentur quae Xenophon (III, 10—15) a Socrate dicta narrat de uxore. Censet enim Gadareus non ignorasse Critobulum aliorum uxores inservire opibus augendis, aliorum minuendis. Sed num omnino necessaria et utilis sit uxor philosopho ad parandam vitam beatam et omnisne uxor idonea sit, quae a marito de officiis suis instituat, denique utrum omnia quae peccet uxor marito vitio sint danda necne, haec iure suo ex Socrate Critobulus poterat quaerere. At ille discipulo suo adducere vult Aspasiā, utpote quae haec omnia evidentius possit explanare. Quae vero in sequentibus ipsemet Socrates adiungit de uxore aestimanda praecepta, si non ementita, attamen plane sunt superflua, cum inde a cap. VII. Ischomachus ipse ea multo accuratius exemplis illustret.<sup>1)</sup>

---

1) P. confert, quae in Xenophontem animadvertit Lincke, Xenophons Dialog *περί οἰκονομίας*, Jena 1879, pg. 57: „Wie lächerlich ist die gedankenlose Anmaßung, daß er (Socrates) unmittelbar nach seinem Geständnis über seine Unerfahrenheit in der Ökonomik seine eigene Meinung über wirtschaftliche Angelegenheiten an den Mann zu bringen sucht.“



In sequentibus novem paginae interciderunt.<sup>1)</sup> Ex col. VII. tota recensione restat sola columna septima, quae sic incipit: *ἅλλων ὄφελος οὐκ εἶναι [τι]θέναι μῶρον νομίζω*. Perstringuntur igitur praecepta illa, quae de instituendis villicis in duodecimo oeconomici capite eduntur ab Ischomacho: eos nempe servos, quos dominus bonos dispensatores reddere sibi proposuerit, primum beneficiis esse conciliandos. Stulti enim est hominis, ait Philodemus, contendere nisi procuratores benevolos alios utiles non esse. Quis vero beneficiis et laudibus potest educari nisi is, qui iam novit res domesticas dispensare?<sup>2)</sup> Porro quae dicit de imperio et educatione servorum animalium exemplis propositis longa sunt et ab agricolis curantur. Omnino autem intolerabile est, quod procuratores hac arte vult institui. Qui enim procurator ea potest perficere, quae philosophi propria sunt? Item quae praecipit Ischomachus de servis ad iustitiam atque integritatem conformandis inutilia sunt. Iam vero si autumat etiam procuratorem servos iustos reddere posse, similia dicit eis, quae a somniantibus finguntur. Sed missum faciamus Xenophontem, cetera quoniam agri colendi artem comprehendunt, quae philosophis cognitu non est necessaria.

Quae sequuntur verba in papyro lacunis misere foedata ab aliis interpretibus aliter constituta et explicata sunt. Ego ne longus sim, meam statim pro-

1) v. p. 23.

2) Similiter indicat Hodermannus l. l. p. 17: Deinde qua ratione virtutem *ἐπιμελείας* pater familias alios docere debeat, auctor exponit (cap. XII, 11 sq.). Denique tantum pretii virtuti illi tribuit, ut maioris momenti esse existimet curam et diligentiam (*ἐπιμελεῖσθαι*) quam rei notitiam. cf. etiam cap. XX, 21.

ponam interpretationem: Perlustratis Xenophontis sententiis simul contra plurima Theophrasti<sup>1)</sup> praecepta disputavimus. Quod enim attinet ad ipsas libelli eius sententias, summatim translatae sunt ex Xenophontis oeconomico.<sup>2)</sup> Atque magis etiam quam Theophrasti ceterorum scripta oeconomica recensuimus, quippe qui omnes quasi cuniculos egerint in Xenophontis ut praestantissimo de oeconomia libro<sup>3)</sup>, id quod aliquando etiam Theophrastus fecit. Itaque ea tantum remanent examinanda, quibus Theophrastus a Xenophonte dissentit. Ac primo quidem supervacanea sunt quaecumque in primo oeconomici capite auctor exposuit.<sup>4)</sup>

col. VIII. Neque enim quidquam ad propositum pertinet, quod ille oeconomiam a politica differre pronuntiat, neque verum est politicam neutquam, oeconomicam vero utique esse dominationem, immo est aliqua inter eas analogia. Sed ne ita quidem rei interest, si quis,

---

1) Quo iure librum illum, qui sub Aristotelis nomine nobis servatus est, Philodemus tribuat Theophrasto, non est, quod hic accuratius inquiratur. Inspicias velim Susemihli editionis praef. p. VI sq., qui varias virorum doctorum sententias diligenter congegessit et examinavit. Ceterum ego propter scribendi genus ceteris Theophrasti scriptis inferius, elegantius tamen quam quo in commentariis utebantur, tenere nos crediderim ipsius Theophrasti doctrinam a discipulo quodam in artius redactam.

2) Cf. Sus. praef. p. V ann. Hodermann l. l. p. 26.

3) Cf. Hodermann, qui l. l. p. 50 perlustratis veterum de oeconomia sententiis sic concludit: „eos autem, qui singula consecretando et colligendo post Xenophontem et Aristotelem de hac materia disputaverunt, adeo non suo iudicio stetisse arbitror, ut, licet discrepet inter eos in rebus parvulis ac levissimis, non magis ex dogmatibus Aristotelicis pendeant quam ex Oeconomico Xenophontis, praestantissimo illo, ut Schoemannii verbis utar (op. ac. III, 207) de administratione domestica libello.

4) p. 1343a, 1—17.

qualis inter politicam et oeconomicam intercedat distinctio, accuratius explicat.

In sequentibus<sup>1)</sup> autem quod duas Theophrastus ponit οἰκίας partes: ἄνθρωπόν τε καὶ κτήσιν<sup>2)</sup> rerumque naturam in partibus minimis censet recognosci, hoc probatur Philodemo ut philosopho non indignum.<sup>3)</sup> Sed cum falso interpretetur vocis ἄνθρωπος notionem, iam quaerit, quomodo cohaereant cum antecedentibus ea quae adduntur: ὥστε καθ' Ἡσίοδον δέοι ἂν ὑπάρχειν „οἶκον μὲν πρώτιστα γυναικά τε“. τὸ μὲν γὰρ τῆς τροφῆς πρῶτον, τὸ δὲ τῶν ἐλευθέρων.<sup>4)</sup>

Apparet autem Hesiodi verba Theophrastum ea de causa addidisse, quod οἶκον respondere vellet voci κτήσις, γυναικα voci ἄνθρωπος.<sup>5)</sup> Haec igitur est eius divisio:

ἄνθρωπος.	κτήσις.
ἐλεύθεροι (καὶ δοῦλοι)	τροφή.
(τούτων πρῶτον: γυνή)	(ταύτης πρῶτον: οἶκος)

Philodemus autem cum ἄνθρωπον de domino solo acciperet, Theophrastum hac partitione facta cetera

1) p. 1343 a, 18—24.

2) Schoemannus l. l. p. 211 confert quae Aristoteles disputat Pol. p. 1253 b sq. et Callicratidas περὶ οἴκων εὐδαιμονίας apud Stob. Flor. III, p. 141 ed. M.: τῶν δὲ μερέων αὐτοῦ (scil. τοῦ οἴκου) δύο πρᾶτα καὶ μέγιστα, ἄνθρωπος καὶ κτᾶσις, τὸ κυβερνώμενον καὶ τὰν χρᾶσιν ἐμπαρεχόμενον et paullo post: τῶν δὲ συμπλαροῦντων τὸν οἶκον ἀνθρώπων τοὶ μὲν συγγενεῖς τοὶ δὲ οἰκῆται.

3) Recte enim contra Spengelium de explicanda voce ἴδιον disputavit Perronius l. l. p. 51 coll. col. IX, 44 et col. XXVII, 12 sq.

4) βοῦν τ' ἀροτήρα in Theophrasti codicibus ad Hesiodi versum supplendum librariorum de suo addidisse iam vidit Javaronius in praef. p. IX.

5) Hoc iam monuit Spengelius l. l. p. 509.

omnia, quae ad domum pertinerent, κτήσει censebat tribuisse.<sup>1)</sup> Quod cum sequentibus ita tantum poterat convenire, si Hesiodi verba nihil significarent nisi κτήσις, atque etiam γαμετή, καὶ ταῦτα συνοικονομοῦσα, comprehenderetur κτήσεως appellatione (v. 32). καὶ πῶς οἶκος τῆς τροφῆς πρῶτον; καὶ διὰ τί γυνὴ τῶν ἐλευθέρων πρῶτον; Et cur de uxore Hesiodum cogitasse putat, cum multi tradant eum scripsisse: κτητήν, οὐ γαμετήν? —

Exinde obiter perstringit quae de quaestu faciendo (κτήσει) praecipit Theophrastus.<sup>2)</sup> Cur tandem, inquit, agriculturae primum ille tribuit locum artemque illam, quae ex metallis victum comparat, honestorum contendit propriam esse hominum?<sup>3)</sup> Iam vero in iis, quae de hominum consuetudine profert<sup>4)</sup>, cur primam uxori vult haberi curam, cum etiam sine uxore bene beateque vivi possit? Plane autem aliena sunt ab oeconomia vulgo accepta, quae de coniugio disputat.<sup>5)</sup> — Atque etiam de servis comparandis et educandis quae eduntur praecepta<sup>6)</sup> omnia fere improbat Philodemus. Porro ad servorum usum quae pertinent<sup>7)</sup>, partim philosophus non curat partim, etsi non inepte dicta sunt, tamen aliena sunt a proposito.

Denique pergit ad examinandum ultimum oeconomici caput, quo agitur de bonorum (χρημάτων) cura.<sup>8)</sup> Quae cum secundum Theophrastum his quattuor contineatur generibus, ut aliquis sciat et parare bona et custodire et apte disponere et recte iis uti, Philodemus priora duo tantum agnoscit genera ut vulgo accepta

1) Cf. Schoemannum l. l. p. 211. 2) 1343 a, 25—1343 b, 6.

3) Cf. quae ipse praecipit col. XXIII, 3 sq.

4) 1343 b, 7—1344 a, 22. 5) Cf. col. II, 8 sq.

6) p. 1344 a, 23—1344 a, 34. 7) p. 1344 a, 35—1344 b, 21.

8) p. 1344 b, 22—1345 b, 2.

atque necessaria.<sup>1)</sup> De singulis autem Theophrasti placitis quae iudicat cum inania plerumque sint atque ridicula, non est, quod hic enarrentur: nodum ille in stirpo quaerit. —

Refutatis adversariorum sententiis auctor transit ad explicandam ipsam scholae doctrinam. Suam igitur disputandi viam atque rationem postquam paucis praescripsit, haec fere sunt eius verba: Philosophum certa divitiarum mensura uti praeceptores secuti in libris De divitiis exposuimus. Itaque oeconomiam artem statuimus esse has divitias comparandi et custodiendi. Pertinent autem ad propositum, quae Metrodorus docuit in libri *Περὶ πλούτου* capite illo, quod scriptum est contra eos, qui forte contendunt cynicos beatissimam adfectare vitam, quippe qui, quoad fieri posset, se liberaverint omnibus rebus, quae curam aliquam afferrent atque sollicitudinem. —

Qui adnexus est tractatus (XII, 45—XXI, 35) sic fere potest inscribi: ὅτι μόνος ὁ κατ' Ἐπίκουρον σοφὸς καλῶς χρήσεται τῷ πλούτῳ μέτρον ἔχων τοῦ συμφέροντος. Totum autem hunc tractatum proprietate quadam dicendi<sup>2)</sup> et praesertim hiatu admisso<sup>3)</sup>

1) Cf. col. XII, 8 sq.

2) Praeter exempla a Sudhausio allata notari possunt col. XIV, 21, ubi auctor (fortasse hiatus vitandi causa v. adn. 38) τοὺς πόνοὺς scripsit pro οἱ πόνοι, col. XIX, 7: θεὸν ἂν μάλιστα τὸ πλεῖον ἀξίειτο negligentius τὸ πλεῖον positum est pro τὰ ὑπάρχοντα sim. — col. XVIII, 25 sq. structura valde artificiosa est.

3) Hiatus exempla Sudhausius collegit. neque tamen prorsus hiatus leges neglectae sunt: cf. e. g. col. XIV, 15 sq.: ἂν δὲ καὶ πλείω, τῶν ἄλλων ὧν ἀπαλλάττει δυσχερῶν οὐ πλείον', ἂν μὴ δείξει τις κ. τ. λ. — Ceterum verborum terminatio, qualis est — ται, semper elisa est v. XVIII, 17: συναπαρέπει' αὐτοῖς, XVIII, 29: γενήσεθ' ἱκανόν, XIX, 19: χρήσεθ', ὁ δὲ πλοῦτος. Itaque XII, 46 suppleendum videtur: συναπαρέπει' ἡσυχία. —

a Philodemo alienum ex ipso Metrodori libri capite supra citato transscriptum esse cum in Hermae tomo XXXXI, p. 45 sq. exemplis propositis probaverit Sudhausius, ego ne acta agam ad hanc commentationem te delegatum esse volo. Quae autem ipse sub finem libelli addit praecepta, ea per se plana esse credo. —

\* \* \*

Reliquum est, ut gratias agam quam plurimas praeceptoribus carissimis, qui de me et de opusculo meo eximie meriti sunt: Sigofredo Sudhausio, viro humanissimo, qui postquam auctor mihi exstitit horum studiorum, quantopere me iuverit opera atque consilio in edendo libello magis expertus sum quam editus poterit testari, et Paulo Wendlandio, viro mihi benevolentissimo, cuius opem numquam mihi defuisse grato animo profiteor. Denique facere non possum, quin stipendii Schassiani curatorio, cuius beneficio ipsam papyrum in Museo Nazionale Neapolitano perscrutandi copia mihi data est, pro adiumento, quod ad iter Italicum praestitit, gratias persolvam singulares.

—♦♦—

## Vita.

Christianus Cornelius Jensen natus sum a. d. XIII. Kal. Sext. anni 1883 Arcisi in vico insulae Sylt patre Christiano, matre Laura e gente Lorensen. Fidei addictus sum evangelicae. Puerulo me cum parentes in insulam Foehr se conferrent, aetatis ad annum decimum quintum ab ipso patre litteris imbutus simul magistro usus sum Ludovico Weber, adhuc St. Ioannis ecclesiae pastore, cuius viri praestantissimi memoriam semper pio gratoque animo recolam. Anno 1899 una cum parentibus Sleswig in oppidum profectus per tres annos huius oppidi gymnasium frequentavi, quod floret Emilii Wolff auspiciis. Unde testimonio maturitatis instructus vere anni 1902 Marpurgum me contuli philologicis studiis operam navaturus. Proximo autem anno cum Kiliam migrassem, fato factum est, ut eiusdem anni autumnio Marpurgum redirem. Tum vere anni 1904 hanc in academiam reversus sum eiusque civis fui per quattuor semestria.

Docuerunt me vv. dd. Birt, Jensen, Justi, Kühnemann, Maass, Natorp, Niese, L. de Sybel, Thiele, Thumb, J. Weiss, Wentzel Marpurgenses, Deussen, Martius, Matthaei, Mensing, Milchhoefer†, Neumann, Noack, Rodenberg, Schenk, Sudhaus, Volquardsen, Wendland, Wolff Kilonienses. Philologorum interfui pro-

seminariis per tria semestria, seminariis Marpur  
per unum semestre directoribus Birtio et Maa  
Kiloniensi moderantibus Sudhausio et Wendla  
per ter sex menses. Exercitationes praeterea frequen  
tavi quas instituerunt archaeologicas L. de Sy  
Milchhoefer, Noack, historicas Volquard  
Rodenberg, philosophicas Deussen, Mar  
francogallicas Schenk. Papyrologicis denique  
citationibus et metricis, ut interesssem egregia  
hausii erga me factum est humanitate.

Quibus omnibus praeceptoribus humanissimi  
doctissimis gratias habeo quam maximas.



